



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus I. Quotuplex sit homicidium.

[urn:nbn:de:hbz:466:1-73064](#)

de Probat. conclus. 99. Menoch. Sayrus, Salas, & complures alii, cum Barbos. p. 3. de offic. de potestate Episcopi, allegat. 51. n. 150. censent, expositos, & liberos, de quorum parentibus non constat, legitimos esse censendos, & capaces successionum, Ordinum, & dignitatum, de quibus non sunt statuta, requirentia qualitatem nobilitatis, & alia hujusmodi, quæ positivè docenda sint. Ratio est, quia stante origine dubiâ, potius judicandum est pro legitimitate; scilicet præsumeretur delictum in dubio; & hæc opinio est satis probabilis sub facta limitatione.

Sed esto quis sequatur priorem opinionem; complures tamen censem cum ejusmodi expositis, Episcopum dispensare posse, ut ad ordines, & curata beneficia promoveantur. Licet enim Episcopi jure ordinario non possint dispensare in irregularitate; possunt tamen in casu dubio; præsertim cum lex, quæ statuit illegitimis irregularitatem, non sit in possessione, nisi ex *suppositione*, quæ dubia est; in tali autem casu interpretatio mitior fieri debet juxta dicta l. 1. de Constat. Ita Suarez, Layman loc. cit. & alii.



QUÆSTOI XII.

IN TITULUM XII. DE HOMICIDIO VOLUNTARIO, ET CASUALI.

Homicidium in genere, est *occisio hominis ab homine facta*, ut dicitur c. si *homicidium* 2. 3. q. 5. vel clarius, est *qualibet examinatio hominis*; seu *humani corporis, violenter ab homine facta*, qua anima à corpore separatur, ut ait Wesenbechius ad L. Cornel. ff. de sicariis. Dicitur *ab homine facta*. Nam si homo occidatur à bruto, non est propriè homicidium, sed vocatur *pauperies*, ut constat ex toto titulo Institut. & ff. si quadrupes pauperiem; dicitur *exanimatio hominis*, quo intelligitur *homo*, cujuscunque ætatis, conditionis, vel sexus l. 1. §. qui *hominem* eodem: & L. penult. C. cod. imò, & fætus adhuc in utero, si animatus sit, sub eo nomine venit.

ARTICULUS I.

Quotuplex sit homicidium.

Homicidium juxta Canonistas, in ordine ad poenas incurendas, est duplex, unum *voluntarium*, alterum *casuale*. *Voluntarium* dicitur à Molinâ to. 4. d. 3. n. 4. quod est intentum, aut perinde reputatur, ac si esset intentum. Unde sit dupliciter 1. quando quis exequitur actionem occisivam, eo animo, & intentione, ut mors alicuius sequatur, & est *voluntarium directum*. 2. Quan-

do facit opus, quod ex sua natura ordinatur ad mortem alterius, v.g. propinat venenum lethiferum, vel infligit vulnus lethale, sed non animo occidendi. Hoc tamen perinde est, ac si intendat occidere, & dicitur *voluntarium indirectum*. *Casuale* dicitur ab Azorio to. 3. l. 2. c. 14. quod contingit præter intentionem agentis, aut omittentis opus aliquod, unde mors alterius consequitur, ac proinde non est intentum in se, aut in aliqua causa, ex qua solitum est accidere homicidium semper, aut frequenter quamvis ex ea raro, & in paucioribus eveniat.

Apud Legistas (*in ordine ad punitionem*) 810 homicidium unum est, quod dicitur *casu factum*, culpâ tamen interficientis pressè sumptâ, ut à dolo distinguitur: alterum *dolo factum*. Homicidium *casu factum* est idem prorisus, quod *casuale* à nobis explicatum n. priori, & punitur arbitrio Judicis poenâ majori, vel minori, prout major, vel minor culpa juridica intervenit. Homicidium *dolo factum*, idem reputatur, atque intentum, ac scienter factum, & coincidit cum voluntario, puniturque poenâ homicidiis ordinariâ; ita Molina tract. 3. d. 21. n. 1. ex l. 1. §. *Divus* ff. ad leg. Cornel. de Sicar. & l. 1. & l. eum C. eodem. tit. Idem d. 23. per totum, ubi rectè exponit *triplex homicidium voluntarium*, nempe ex proposito, ex

insidiis, & proditoriè commissum. *Ex proposito* commissum dicitur, quando homicida præviâ animi deliberatione, præcedente ex intervallo occisionem, quempiam interficit. Unde non dicitur ex proposito occidere, qui obortâ rixâ antiquum adversarium animo interficiendi, atque ad eodem loco occidit, si nulla deliberatio occidendi rixam præcessit. *Ex insidiis* dicitur commissum, quando aliquis expectat alium in loco, in quo ab eo verisimiliter provideri non poterat: illumque ex improviso venientem aggreditur, & occidit. *Proditoriè* verò commissum dicitur, quando, cum nulla esset causa rixæ inter aliquos, unus eorum interficit alterum securum, nihilque tale timentem. Hæc tria videntur collocari *sub homicidio qualificato*, scilicet qualitate affecto, quale Lessius lib. 2. c. 34. n. 187. affirmat esse factum *per se carium*, pretio conducedum, quod ipso facto tollit beneficium c. i. de homicid. in 6. de quo Alex. Conf. 166. *Qualitas* enim, in jure civili sumitur etiam pro differentiis facientibus rem certam, ac determinatam, & contrahentibus rem ad individuum: ut probat Zœsius per L. *Sipulationum quedam* ff. de verborum obligatione.

ARTICULUS II.

De homicidio voluntario, & injusto.

811 *P*otissima quæstio in hac materia, *de talis homicidio*, versatur circa poenæ jure statutæ homicidæ, inter quos de jure Ecclesiastico prima est *irregularitas*, quæ decernitur in homicidas voluntarios, tum propter commissam hominis cædem cum iniustitia, seu injuste, quæ dicitur *irregularitas ex delicto*; tum etiam quandoque propter homicidium commissum justè, quod imbibat aliquod factum cædantis, propter quod jure canonico judicatur inhabilis ad ministerium altaris.

812 Præter irregularitatem, de qua dicimus in sequentibus, aliæ quoque poenæ statutæ sunt homicidio voluntariè commissum cum injuria. Inter has prima est, quod, si Laicus committat homicidium injustum, spectato jure excommunicandus sit c. *Itaque 24. q. 3.* ibi: *itaque censuimus, homicidas, à communione fidelium Ecclesiastica, submovendos.* Si autem Clericus, deponendus (non tamen communione privandus) ab ordine & officio c. *Presbyter.* dist. 81. ibi:

*Presbyter, aut Diaconus; qui in homicidio caput est, depouatur; non tamen privatur c. Cùm non ab homine 10. de Judic. ibi: Clericus in quocunque ordine constitutus, in homicidio reprehensus legitimè, atque convictus, ab Ecclesiastico Judge deponendus est. c. Inquisitionis, 21. de accusat. ibi: *puta si homicidium commissum est. c. sicut §. fin. h. t. post hanc depositionem derruendus est ejusmodi Clericus in arctum Monasterium ad peragendam poenitentiam. c. Tuæ, de poenis; & quidem in perpetuum. c. se Episcopus dist. 50. ibi: quandum vixerit; vel falciu per septen-nium, vel quinquennium c. sicut §. fin. h. t. ubi attendi debet delictum cum circumstan-tiis, quibus evadit majori, vel minori poenâ dignum. Et hodie non raro loco Monasterii, succedit carcer, & tritemes.**

Dices in c. *omnis* dist. 3. dicitur, ut *qui 813 cadem fecerit, capite plestatur*; ergo etiam jure canonico poena iniusti homicidii est poena mortis. *R. ibi per panam mortis, in-telligi, non mortem naturalem, sed civilem, in eo sitam, quod per excommunicationem, velut mortuo, à communione fidelium removeri debeat;* sic Farinac. in praxi crimin. n. 4. l. 4. de homicid. q. 119. n. 57. Pirhing. h. t. n. 6. Et ideo etiam, cum inc. *Siquis 1. h. t. dicitur, siquis per injustitiam oc-cideris hominem proximum suum, & per in-sidias; ab altari meo avelles eum, ut moria-tur,* idem est eo loco, ac *deponatur.* Colligitur ex c. *per Venerabilem.* Qui filii legitimi. Ubi præcipitur, ut qui sententiam Sedis Apostolicae contempserit observare, *moria-tur*, quo aliud non intenditur, quām ut *per excommunicationem*, velut mortuus à communione fidelium separetur; ita Pirhing. h. t. n. 6. Ex hoc colliges cum Abbatे in cit. c. n. 20. quod, ubique jure canonico reperitur imposta *pæna mortis*, debeat exponi, & intelligi de sententia excommunicationis, quæ est mors civilis, non formaliter, sed præsuppositivè; cum præsupponat peccatum mortale, per quod anima separatur à gratia Dei, quæ est vita animæ.

Cæterum eti Doctores textum in c. *814* *siquis 1. h. t. multiplicititer explicit, ut vi-deri potest apud Pirhing cit. n. 8. prior sen-sus est, quod, qui per industram (hoc est, ex *proposito*) & per insidias (hoc est, prodi-to-riè aggrediendo à tergo, vel alio modo im-provio) aliquem hominem occiderit, non gaudeat immunitate Ecclesiastica, quo mi-nus*